



Broj: 10/E-11-6883/24
Sarajevo, ~~16-12-2024~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-237/24 od 25.03.2024. godine (u daljem tekstu: Komisija II), u postupku javne nabavke usluga stručnog nadzora za investiciono održavanje poslovnih prostora Općine Centar Sarajevo (Zapisnik o pregledu i ocjeni ponuda broj: 10/E-11-6883/24 od 11.12.2024. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača **“SAFEGE BOSNIA” d.o.o. Sarajevo**, ulica Hamdije Čemerlića broj 23/I, 71000 Sarajevo, Ponuda broj: 2024-S-110 od 18.11.2024. godine, za usluge stručnog nadzora za investiciono održavanje poslovnih prostora Općine Centar Sarajevo, putem konkurentskog zahtjeva za dostavu ponuda, sa cijenom u ukupnom iznosu od 150,00 KM bez PDV-a (*zbir jediničnih cijena*), odnosno 175,50 KM sa PDV-om (*zbir jediničnih cijena*) i rokom za plaćanje 60 (šezdeset) kalendarskih dana.
- II.** Izabrani ponuđač dužan je dokaze iz tačke 7.1. i 7.1.2. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od **5 (pet) dana** od dana prijema ove Odluke na Protokol Ugovornog organa (originale ili ovjerene kopije).
- III.** Ugovorni organ će sa izabranim ponuđačem zaključiti okvirni sporazum na period od 1 (jedne) godine, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima. Planirana maksimalna vrijednost za cijeli period trajanja okvirnog sporazuma iznosi 30.000,00 KM bez uračunatog PDV-a i ista se ne može prekoračiti.
- IV.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Образложење

Postupak za javnu nabavku usluga stručnog nadzora za investiciono održavanje poslovnih prostora Općine Centar Sarajevo, pokrenut je Odlukom Općinskog načelnika o pokretanju postupka javne nabavke putem konkurentskog zahtjeva za dostavu ponuda, broj: 10/E-11-6883/24 od 14.10.2024. godine.

Predmet nabavke nije podijeljen na lotove.

Obavještenje o nabavci: 848-7-2-130-3-208/24 od 05.11.2024. godine objavljeno na Portal javnih nabavki (www.ejn.gov.ba).

Obavijest o izmjenama tenderske dokumentacije, broj: 10/E-11-6883/24 od 08.11.2024. godine, objavljena na Portal javnih nabavki (www.ejn.gov.ba) dana 08.11.2024. godine.

Procijenjena vrijednost javne nabavke iznosi **30.000,00 KM** bez PDV-a.

U krajnjem roku za predaju ponuda koji je određen tenderskom dokumentacijom (18.11.2024. godine do 11:00 sati), na adresu Ugovornog organa pristiglo je 6 (šest) ponuda dostavljenih od ponuđača: 1. „IPSA INSTITUT“ d.o.o. Sarajevo, 2. „SMAJIĆ-INŽENJERING“ d.o.o. Goražde; 3. „FM INŽENJERING“

d.o.o. Sarajevo; 4. „AHN GROUP“ d.o.o. Sarajevo; 5. „SAFEGE BOSNIA“ d.o.o. Sarajevo i 6. „RADIS“ d.o.o. Istočno Sarajevo, što je evidentirano u Zapisniku o otvaranju ponuda, broj: 10/E-11-6883/24 od 18.11.2024. godine. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda i nakon što je utvrđena blagovremenost i urednost dostave, pročitane su cijene ponuda i rok plaćanja, kao potkriteriji u okviru kriterija „ekonomski najpovoljnija ponuda“, kako sljedi:

R/b	Ponuđač	Ukupno zbir jediničnih cijena bez PDV-a (KM)	Popust (%/KM)	Ukupno zbir jediničnih cijena sa popustom bez PDV-a (KM)	Ukupno zbir jediničnih cijena sa popustom i PDV-om (KM)	Rok za plaćanje (kalendarski dani)
1.	„IPSA INSTITUT“ d.o.o. Sarajevo	19.200,00	/	19.200,00	22.464,00	60 (šezdeset) dana
2.	„SMAJIĆ-INŽENJERING“ d.o.o. Gorazde	179,00	2%/3,58	175,42	205,24	60 (šezdeset) dana
3.	„FM INŽENJERING“ d.o.o. Sarajevo	212,50	/	212,50	248,63	30 (trideset) dana
4.	„AHN GROUP“ d.o.o. Sarajevo	881,00	/	881,00	1.030,77	60 (šezdeset) dana
5.	„SAFEGE BOSNIA“ d.o.o. Sarajevo	17.200,00	/	17.200,00	20.124,00	60 (šezdeset) dana
6.	„RADIS“ d.o.o. Istočno Sarajevo	9.500,00	/	9.500,00	11.115,00	60 (šezdeset) dana

Nakon izvršenog javnog otvaranja ponuda, na zatvorenom sastanku Komisija II je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija II je na osnovu detaljnog pregleda i analize svih dostavljenih ponuda konstatovala da je ponuđač „AHN GROUP“ d.o.o. Sarajevo, na stranici red. br. 22 ponude dostavio Izjavu o ispunjenosti uslova iz člana 45. stav (1) tačke od a) do d) Zakona o javnim nabavkama („Službeni glasnik BiH“, broj 39/14, 59/22 i 50/24) (Aneks 3.), a na stranici red. br. 23 ponude dostavio je Izjavu iz člana 52. Zakona o javnim nabavkama (Aneks 4.) kako je određeno tenderskom dokumentacijom. Izjave su potpisane, sa uredno upisanim podacima o mjestu i datumu davanja istih.

Međutim, Komisija II je zaključila da nijedna od dostavljenih predmetnih izjava ne sadrži potpis i pečat nadležnog organa (*organ uprave, sud ili notar*), iako je za tu namjenu označeno mjesto u obrascima Aneks 3. i Aneks 4.

U vezi s tim zaključkom, Komisija II se u Zapisniku o pregledu i ocjeni ponuda broj: 10/E-11-6883/24 od 11.12.2024. godine referirala na član 45. stav (4) Zakona o javnim nabavkama kojim je propisano: **„Kandidat/ponuđač, u svrhu dokaza o ispunjavanju uslova iz stava (1) ovog člana, dužan je da dostavi izjavu ovjerenu kod nadležnog organa, u formi i na način koji propisuje Agencija podzakonskim aktom.“**

Dalje Komisija II u istom Zapisniku navodi da je zakonodavac u članu 52 stav (10) Zakona o javnim nabavkama propisao:

„Svaki kandidat/ponuđač dužan je uz ponudu dostaviti i posebnu pisanu izjavu ovjerenu kod nadležnog organa da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci“.

U konkretnoj primjeni ovih odredbi, svaki kandidat/ponuđač dužan je uz ponudu dostaviti posebnu pisanu izjavu **ovjerenu kod nadležnog organa**, u kojoj izjavljuje da nije pravomoćno osuđen za krivična djela organizovanog kriminala, korupcije, prevare ili pranja novca; da nije pod stečajem ili da nije predmetom stečajnog postupka, ili predmetom likvidacijskog postupka; da nije propustio ispuniti obaveze u vezi s plaćanjem penzionog i invalidskog osiguranja, te da nije propustio ispuniti obaveze u vezi s plaćanjem direktnih i indirektnih poreza u skladu sa propisima u BiH, te dostaviti posebnu izjavu **ovjerenu kod nadležnog organa** da nije nudio mito niti učestvovao u bilo kakvim radnjama koje imaju za cilj korupciju u predmetnoj javnoj nabavci, čija forma je propisana od strane Agencije za javne nabavke BiH.

Uputstvom za pripremu modela tenderske dokumentacije i ponuda („Službeni glasnik BiH, broj 90/14 i 20/15) propisana je forma izjave iz člana 45. i 52. Zakona o javnim nabavkama.

Kako se radi o izričitoj zakonskoj normi koja nalaže ovjeru izjava kod nadležnog organa, Komisija II je zaključila da u konkretnom slučaju ne postoji potvrda da je tačno određena osoba svojeručno potpisala izjavu odnosno priznala svoj potpis dostavljenom dokumentu/izjavi, a posljedično tome niti pouzdan dokaz da ponuđač ispunjava kriterije u pogledu lične kvalifikovanosti. Slijedom navedenog Komisija II je ponudu ponuđača „AHN GROUP“ d.o.o. Sarajevo ocijenjena neprihvatljivom, te je odbacila i isključila iz postupka evaluacije i poređenja s drugim ponudama.

Za ponude ponuđača: „IPSA INSTITUT“ d.o.o. Sarajevo, „SMAJIĆ-INŽENJERING“ d.o.o. Goražde; 3. „FM INŽENJERING“ d.o.o. Sarajevo; 4. „AHN GROUP“ d.o.o. Sarajevo; 5. „SAFEGE BOSNIA“ d.o.o. Sarajevo i 6. „RADIS“ d.o.o. Istočno Sarajevo, Komisija II je ustanovila da ispunjavaju formalno-pravne, ekonomske i tehničke uslove, odnosno da ispunjavaju uslove iz tenderske dokumentacije i zahtjeve Ugovornog organa za predmetnu nabavku, kao i da su prihvatljive u smislu Zakona o javnim nabavkama.

Detaljnomo računskom provjerom ispravnosti ponuda, Komisija II je utvrdila da u ponudi ponuđača „SAFEGE BOSNIA“ d.o.o. Sarajevo, u Obrascu za ponudu (Aneks 1) i u Obrascu za cijenu ponude – usluge (Aneks 2), postoji računska greška u dalje navedenim stavkama.

Na stranici ponude, red. br. 1, odnosno red. br. 16 tenderske dokumentacije, **Obrazac za ponudu (Aneks 1)** u tekstu, pod rednim brojem 3, pogrešno je su upisani iznosi:

- **Cijena naše ponude (bez PDV-a)** - pogrešno je upisan iznos 17.200,00 KM, a treba da je upisan iznos **150,00 KM**;
- **Cijena naše ponude, sa uključenim popustom** - pogrešno je upisan iznos 17.200,00 KM, a treba da je upisan iznos **150,00 KM**;
- **PDV na cijenu ponude (sa uračunatim popustom)** - pogrešno je upisan iznos 2.924,00 KM, a treba da je upisan iznos **25,50 KM**;
- **Ukupna cijena za ugovor** - pogrešno je upisan iznos 20.124,00 KM, a treba da je upisan iznos **175,50 KM**;
- **Slovima:** pogrešno je upisano: dvadesethiljadastotinudvadesetčetiri i 00/100 KM, a treba da je upisano: **stotinusedamdesetpet i 50/100 KM**.

Na stranici ponude red. br. 3, odnosno red. br. 18 tenderske dokumentacije, **Obrazac za cijenu ponude – USLUGE (Aneks 2)** u tabeli – **Usluge stručnog nadzora za investiciono održavanje poslovnih prostora Općine Centar Sarajevo**, pogrešno su upisani iznosi u posljednjoj koloni tabele **UKUPNO Od I – V stepena (KM/m2)** za sljedeće stavke:

- Red. br. 1 - Umjesto iznosa 1.200,00, treba da je upisan iznos **30,00**
- Red. br. 2 - Umjesto iznosa 3.200,00, treba da je upisan iznos **40,00**
- Red. br. 3 - Umjesto iznosa 6.400,00, treba da je upisan iznos **40,00**
- Red. br. 4 - Umjesto iznosa 6.400,00, treba da je upisan iznos **40,00**

U posljednjem redu tabele, **Usluge stručnog nadzora – zbir jediničnih cijena (1+2+3+4)**, pogrešno je upisan iznos 17.200,00, a treba da je upisan iznos **150,00**.

Naprijed navedeno dovelo je do računске greške u drugoj tabeli, na istoj stranici ponude red. br. 3 u Obrascu za cijenu ponude (Aneks 2.), i to:

- **UKUPNO ZBIR JEDINIČNIH CIJENA BEZ PDV-a** - pogrešno je upisan iznos 17.200,00 KM, a treba da je upisan iznos **150,00 KM**.
- **UKUPNO ZBIR JEDINIČNIH CIJENA SA POPUSTOM BEZ PDV-a** - pogrešno je upisan iznos 17.200,00 KM, a treba da je upisan iznos **150,00 KM**.
- **IZNOS PDV-a (17%)** - pogrešno je upisan iznos 2.924,00 KM, a treba da je upisan iznos **25,50 KM**.
- **UKUPNO ZBIR JEDINIČNIH CIJENA SA PDV-OM I POPUSTOM** - pogrešno je upisan iznos 20.124,00 KM, a treba da je upisan iznos **175,50 KM**.
- **SLOVIMA** - pogrešno je upisano: dvadesethiljadastotinudvadesetčetiri i 00/100 KM, a treba da je upisano: **stotinusedamdesetpet i 50/100 KM**.

S tim u vezi Komisija II je dopisom broj: 10/E-11-6883/24 od 19.11.2024. godine od ponuđača „SAFEGE-BOSNIA“ d.o.o. Sarajevo tražila da se pismeno izjasni o tome da li prihvata ispravku računске greške u dostavljenoj ponudi u svemu kako je u dopisu detaljno obrazloženo.

Ponuđač „SAFEGE-BOSNIA“ d.o.o. Sarajevo je dana 20.11.2024. godine putem e-mailom dostavio Izjavu broj: 2024-S-114 od 19.11.2024. godine, u kojoj izjavljuje da prihvata ispravku računске greške u pristigloj ponudi 2024-S-110 od 18.11.2024. godine.

Na osnovu dostavljene Izjave o ispravci računске greške ponuđača „SAFEGE BOSNIA“ d.o.o. Sarajevo Komisija II je konstatovala da ponuda ponuđača „SAFEGE-BOSNIA“ d.o.o. Sarajevo, nakon prihvatanje računске greške, iznosi 150,00 KM (ukupno zbir jediničnih cijena bez PDV-a), odnosno 175,50 KM (ukupno zbir jediničnih cijena sa PDV-om). Ponuđač u ponudi nije naveo da nudi popust.

Za ostale pristigle ponude kvalifikovanih ponuđača Komisija II je utvrdila da su računski ispravne, te da je ispravno obračunata ukupna cijena ponude sa PDV-om.

U daljem toku postupka, Komisija II je na zatvorenoj sjednici pregledom ponuda utvrdila da je ponuđač „SAFEGE BOSNIA“ d.o.o. Sarajevo na stranicama red. br. 22-31 ponude dostavio potvrde o uspješno izvršenim ugovorima, izdatim od Evropske unije, Delegacija u Bosni i Hercegovini, i to:

1. Ref. br. Ares(2022)7762014-10/11/2022 od 10. novembra 2022. godine – Nadzor radova za izgradnju zatvorskog kompleksa u Bijeljini, BROJ UGOVORA: 2019/408-185, u kojem je izvođač privredno društvo „SAFEGE BOSNIA“ d.o.o. Sarajevo (Elma Prčić-Bilić, Programme Manager);
2. Ref. br. Ares(2024)2498507-05/04/2024 od 04. aprila 2024. godine – Nadzor radova za: Izgradnju Okružnog tužiteljstva u Bijeljini, Rekonstrukciju Osnovnog suda u Mrkonjić Gradu, Rekonstrukciju Osnovnog suda u Prnjavoru i Izgradnju Općinskog suda u Žepču u BiH, BROJ UGOVORA: 2021/426-353, u kojem je pružalac usluga privredno društvo „SAFEGE BOSNIA“ d.o.o. Sarajevo – (Dženita Polić, Programme Manager);
3. Ref. br. Ares(2024)8060373-13/11/2024 od 13. novembra 2024. godine – Nadzor radova za projekat: Izgradnja Općinskog suda u Zenici, BROJ UGOVORA: 2021/426-238, u kojem je izvođač privredno društvo „SAFEGE BOSNIA“ d.o.o. Sarajevo – (Elma Prčić-Bilić, Programme Manager).

Obzirom na to da nije mogla na nesumnjiv način utvrditi sve bitne podatke o realizaciji predmetnih ugovora, Komisija II je koristeći se ovlaštenjem iz člana 68. stav (3) Zakona o javnim nabavkama dopisom broj: 10/E-11-6883/24 od 21.11.2024. godine od ponuđača „SAFEGE BOSNIA“ d.o.o. Sarajevo tražila pojašnjenje u ponudi dostavljenih potvrda o uredno izvršenim ugovorima.

Ponuđač „SAFEGE BOSNIA“ d.o.o. Sarajevo je u prilogu e-maila od 22.11.2024. godine dostavio Izjavu o uredno izvršenim ugovorima, evid. broj: 2024-S-115 od 22.11.2024. godine, u kojoj izjavljuje da je u potpunosti izvršio sve ugovorom predviđene obaveze i zadatke vršenja stručnog nadzora.

Nakon razmatranja odgovora ponuđača „SAFEGE BOSNIA“ d.o.o. Sarajevo, odnosno Izjave o uredno izvršenim ugovorima, Komisija II se dopisom broj: 10/E-11-6883/24 od 26.11.2024. godine obratila Evropskoj uniji, Delagaciji u Bosni i Hercegovini, kao izdavaocu potvrda, molbom za pojašnjenje da li potvrde o izvršenim ugovorima, koje su u dopisu precizno navedene, podrazumijevaju da su ugovori uredno izvršeni.

Pojašnjenje je traženo kako bi Komisija II mogla utvrditi da izdate potvrde o realizovanim ugovorima u cjelosti zadovoljavaju traženi uslov iz tačke 7.3.2. pod a) tenderske dokumentacije.

Na dostavljenu molbu, Evropska unija, Delegacija u Bosni i Hercegovini odgovorila je elektronskom poštom/e-mailom od 29.11.2024. godine, u prilogu kojeg se nalazi pisani odgovor, koji je sastavni dio Zapisnika o pregledu i ocjeni ponuda, broj: 10/E-11-6883/24 od 11.12.2024. godine.

Komisija II je na zatvorenom sastanku jednoglasno konstatovala da je, i izdavanjem certifikata i slanjem dopisa/odgovora EU – Delagacija u Bosni i Hercegovini potvrdila uredno izvršenje tri predmetna ugovora, zbog čega Komisija II dostavljeni odgovor prihvata kao dovoljan za dokazivanje da ponuđač „SAFEGE BOSNIA“ d.o.o. Sarajevo ima potrebne kvalifikacije za izvršenje usluga koje su predmet nabavke, te kao pouzdanu potvrdu da su ugovori uredno i u potpunosti izvršeni.

Analizom cijena ponuda Komisija II je ocijenila da su ispunjeni formalni uslovi da se u skladu sa članom 66. Zakona o javnim nabavkama od ponuđača „SAFEGE BOSNIA“ d.o.o. Sarajevo pismeno zahtijeva da obrazloži ponudenu cijenu.

Pozivajući se na član 17. stav (7) tačka a) Uputstva za pripremu modela tenderske dokumentacije i ponuda („Službeni glasnik BiH“ broj 39/14 i 20/15) Komisija II je dopisom broj: 10/E-11-6883/24 od 04.12.2024. godine zahtijevala je od ponuđača „SAFEGE BOSNIA“ d.o.o. Sarajevo obrazloženje neprirodno niske cijene ponude.

Ponuđač „SAFEGE BOSNIA“ d.o.o. Sarajevo je u određenom roku dostavio je obrazloženje neprirodno niske cijene, u formi dokumenta broj: 2024-S-121 od 06.12.2024. godine.

Komisija II je jednoglasno ocijenila da je ponuđač „SAFEGE BOSNIA“ d.o.o. Sarajevo dostavio zadovoljavajuće obrazloženje, koje je Komisija II jednoglasno prihvatila.

Poštujući princip efikasnog trošenja javnih sredstava Komisija II je jednoglasno zaključila da se ponuda na osnovu istog ne može odbaciti, te je prihvatljiva za Ugovorni organ.

Komisija II je jednoglasno je konstatovala da sve ponude, izuzev ponude ponuđača „AHN GROUP“ d.o.o. Sarajevo, ispunjavaju formalno-pravne, ekonomske i tehničke uslove, odnosno da ispunjavaju uslove iz tenderske dokumentacije i zahtjeve Ugovornog organa za predmetnu nabavku, kao i da su prihvatljive u smislu odredaba Zakona o javnim nabavkama.

U daljem toku postupka Komisija II je izvršila analizu, usporedbu, ocjenu i vrednovanje dostavljenih prihvatljivih ponuda prema pravilima propisanim Zakonom o javnim nabavkama i podzakonskim aktima, kao i proceduri utvrđenoj u tenderskoj dokumentaciji za predmetnu nabavku, primjenom odgovarajuće formule za vrednovanje pojedinih elemenata ponude i izračun ukupnog broja bodova, u skladu sa Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača, kao sastavnom dijelu tenderske dokumentacije (Aneks 7.).

Primjenom utvrđenih potkriterija 1. Cijena i 2. Rok za plaćanje i bodovanjem elemenata iz dostavljenih ponuda, u okviru kriterija „ekonomski najpovoljnija ponuda“, u skladu sa članom 64. stav (1) tačka a) Zakona o javnim nabavkama, Komisija II je izvršila analizu dostavljenih prihvatljivih i kvalifikovanih ponuda kako sljedi:

R/b	Ponudač	KRITERIJ ZA BODOVANJE „ekonomski najpovoljnija ponuda“		UKUPNO
		POTKRITERIJ Cijena 95% (sa popustom bez PDV-a)	POTKRITERIJ Rok za plaćanje 5% (kalendarski dani)	
1.	„SAFEGE BOSNIA“ d.o.o. Sarajevo	$150,00/150,00 \times 95 = 95,00$	$60/60 \times 5 = 5$	100,00
2.	„SMAJIĆ-INŽENJERING“ d.o.o. Goražde	$150,00/175,42 \times 95 = 81,23$	$60/60 \times 5 = 5$	86,23
3.	„FM INŽENJERING“ d.o.o. Sarajevo	$150,00/212,50 \times 95 = 67,06$	$30/60 \times 5 = 2,5$	69,56
4.	„RADIS“ d.o.o. Istočno Sarajevo	$150,00/9.500,00 \times 95 = 1,50$	$60/60 \times 5 = 5$	6,50
5.	„IPSA INSTITUT“ d.o.o. Sarajevo	$150,00/19.200,00 \times 95 = 0.74$	$60/60 \times 5 = 5$	5,74

*Cijenovno najniža ponuda vrednuje se sa 95 bodova (tačka III KRITERIJI VREDNOVANJA, pod b) iz Aneksa 7 TD)

** Ponuda sa najdužim rokom za plaćanje vrednuje se sa 5 bodova (tačka III KRITERIJI VREDNOVANJA, pod b) iz Aneksa 7 TD)

Nakon analize i bodovanja, Komisija II je izvršila rangiranje ponuda prema kriteriju „ekonomski najpovoljnija ponuda“ sa potkriterijima: 1. Cijena i 2. Rok za plaćanje, navedenim u obavještenju o nabavci i tenderskoj dokumentaciji, u skladu sa članom 64. stav (1) tačka a) Zakona o javnim nabavkama.

RANG	Ponudač	Broj bodova	Ukupno zbir jediničnih cijena sa popustom bez PDV-a (KM)	Ukupno zbir jediničnih cijena sa popustom i PDV-om (KM)	Rok za plaćnje (kalendarski dani)
1	„SAFEGE BOSNIA“ d.o.o. Sarajevo	100	150,00	175,50	60
2	„SMAJIĆ-INŽENJERING“ d.o.o. Goražde	86,23	175,42	205,24	60
3	„FM INŽENJERING“ d.o.o. Sarajevo	69,56	212,50	248,63	30
4	„RADIS“ d.o.o. Istočno Sarajevo	6,50	9.500,00	11.115,00	60
5	„IPSA INSTITUT“ d.o.o. Sarajevo	5,74	19.200,00	22.464,00	60

Shodno svemu naprijed izloženom, Komisija II je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Prvorangiranog ponuđača **„SAFEGE BOSNIA“ d.o.o. Sarajevo**, ulica Hamdije Čemerlića broj 23/I, 71000 Sarajevo, Ponuda broj: 2024-S-110 od 18.11.2024. godine, sa cijenom u ukupnom iznosu od 150,00 KM bez PDV-a (zbir jediničnih cijena), odnosno 175,50 KM sa PDV-om (zbir jediničnih cijena) i rokom za plaćanje 60 (šezdeset) kalendarskih dana, kao najpovoljnije za usluge stručnog nadzora za investiciono održavanje poslovnih prostora Općine Centar Sarajevo, sa kojim će biti zaključen okvirni sporazum na period trajanja od 1 (jedne) godine.

Planirana maksimalna vrijednost za cijeli period trajanja okvirnog sporazuma iznosi 30.000,00 KM bez uračunatog PDV-a i ista se ne može prekoračiti.

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-6883/24 od 11.12.2024. godine



Dostaviti:

1. Ponuđaču: „IPSA INSTITUT“ d.o.o. Sarajevo, ulica Put života bb, 71000 Sarajevo
2. Ponuđaču: „SMAJIĆ-INŽENJERING“ d.o.o. Goražde, ulica Zaima Imamovića bb, 73000 Goražde
3. Ponuđaču: „FM INŽENJERING“ d.o.o. Sarajevo, ulica Latička broj 14A/2, 71210 Ilidža-Sarajevo
4. Ponuđaču: „AHN GROUP“ d.o.o. Sarajevo, ulica Gradačaka broj 1, 71000 Sarajevo
5. Ponuđaču: „SAFEGE BOSNIA“ d.o.o. Sarajevo, ulica Hamdije Čemerlića broj 23/I, 71000 Sarajevo
6. Ponuđaču: „RADIS“ d.o.o. Istočno Sarajevo, ulica Jovana Dučića broj 16, 71123 Istočno Sarajevo
7. Službi za privredu i poslovne prostore
8. Kabinetu općinskog načelnika – Odsjek za javne nabavke
9. Službi za finansije
10. U spis